

Giyez Simndei Hocouh Si Bingzgvei Gih Bang Saed-yienh Loqsiengj, Valwgloux Hai Hoengzfwdfwd

贺州市平桂区爱心企业助圆梦,石榴花开别样红

8 nyied 18 hauh, Hocouh Si Bingzgvei Gih guh hozdung “valwgloux hai ingj Bingzgvei lai aen giyez caeuq mbanj doxcaez guh biengjbangj saedyienh loqsiengj coengh hwnj-dangz”, bangcoh hwnghat saehnieb son'gyauq

Bingzgvei. Hozdung gungh miz cibgouj aen giyez simndei gien le bet fanh haj cien maenz ngaenz, bang daengz ngeihcib roek boux lwghag. Neix coenghrehngz guh hong cauhaeb minzcuz doxgiet baenaj, cienz ok rengzcingq

gwnzbiengz, caemhcaiq couqmaenh gij eiqsik caezcaemh Cunghvaz Minzcuz.  
(Hoz Minjbungz/何旻鹏 Vangz Ligenh/黄丽娟 Moz Lidingz/莫丽婷)



Bwzhaij Ruz Lai Ruz Daih Okhaij Nyaengq Dwkbya

北海千帆出海捕捞忙

8 nyied 16 hauh, Namzhaij mwh seizhah dingz dwkbya gaenq sat lo. Bwzhaij Si youq Aen Sokruz Dengen Gyauzgangj Cin guh yizsiz cienzdoengj okhaij dwkbya. Cien lai aen ruzdwkbya diem mauz hai ok sokruz, coh diegdwkbya Bwzbuvanh baeoenxoex. Aen ciengzmienh “cien ruz ciengj bae” gig hungmbwk, yinx daeuj haujai hekyouz ngonzyawj guhcaemz.  
(Yi Sienghczenz/喻湘泉)

Sanhgyangh Sonlien

Dinfwngz Miz Daegsaek

三江特色培训添技能

8 nyied 17 hauh, vunzmbanj youq Sanhgyangh Duncuz Sw-ciye Liengzgouj Yangh Mbanj-hozlij lienh guh youzczaz. Geij ngoenz doxdaeuj, yienh de guh le aen ban sonlien guh youzczaz. Samcib lai boux vunzmbanj youq bakranz hag vwnzva mbawczaz

Mbanjdung, lumjbaenz liyyiz cimqcaz caeuq dinfwngz guh youzczaz daengj. Gyoengqvunz lai hag dinfwngz guh hong, couh lai diuz roenloh ra hong, coenghrehngz lajmbanj saenqhwngh.  
(Gungh Bujgangh/龚普康 Liengz Siumingz/梁秀明)



2023年三江县良口乡油茶制作002班

主办单位：三江县就业服务中心 承办单位：柳州市东方职业培训学校

禁毒、防火、治、消防、安全生

▲Vunzmbanj hag baenzlawz cawj youzczaz.



Duh'anh Dahingh Cin: “Raet Iq” Ndaej Youq “Fanghcangh Hung”

都安大兴镇:“小菌菇”住进“大方舱”

Byaij haeuj Aen Suen Canjnieb Ndaem Raetgwn Gvangsiah Gvangj-dungh Gapguh laeng Duh'anh Yauzczaz Swciyen. Baizbaiz fanghcangh hawj vunz simgyaez. Ndawde doengh gij faexmbaenq ndaemraet youq gwnzgyaq baijledled, gig caezcingj, gwnzde did rim raethau, heiq homfwtfwt. Gyawj geij bi neix, Dahingh Cin hwngh le aen suen

canjnieb ndaem raetgwn, fungj ok raetdungxyiengz, raetdungxmou, raet-moengngaex ndaem daengj cib lai cungj raet, ngoenz ndeu ndaej yaeb roek cien gaen raet. Aen suen neix laeb ndei caez le, aiq ndaej bang sam bak vunz dieg de couhnieb, bi ndeu baenz raet yaek miz song fanh dun doxbae.  
(Veiz Cinghyui/韦青锐)